

5-6

5-6

南安府志補正卷之五

宦蹟

明

蔡遴字公擢南康廩生舉賢良方正歷官江山同安福清縣主簿明制巡按行部行李限以一篋適有違制者遴阻之罷職歸隱蓮塘鄉人賢之名其所居曰丈人洞

孝元愈南康人力學能文萬厯元年恩科縣令酌魁時舉漚於衆曰操必中者取立飲之元愈前飲之曰吾必中矣令惡其倨誓與建坊以誡之是科果以詩領鄉薦今縣治前龍飛首鴈坊卽令所建也後爲廣東茂名知縣

政聲大著卓有治績祀鄉賢

蔡世敕南康人萬厯乙亥選貢官浙江温州府通判吳利
除弊卓著政聲巡按特薦卓異升雲南維摩知州解組
歸士民焚香護送數百里祀鄉賢

吳從哲字良明上猶人萬厯間選貢官岳州府通判補長
沙府通判陞彝陵州知州又陞嚴州府同知在任入載
惠澤及民陞楚府長史祀鄉賢

黃道月崇義人萬厯時任廣東南海縣有廉聲致仕歸囊
橐蕭然載石獅二以壯行色今列縣前者是也

奚憲正南康人元愈子泰昌元年選貢官通州州判見廣

識遠能擔人之所不能擔忍人之所不能忍歿後邑士
賢之祀鄉賢

國朝

蔡志奇字庸子上猶人學問醇粹以明經任永新訓導兼
攝永甯訓導地連楚省康熙寅卯間多士陷於賊事平
志奇竭力周旋保全者幾百人歲饑捐俸糴粟爲粥賑
饑以父憂歸服闋補奉新學訓與多士講學論文至老
不輟大中丞宋公甚器之乞身歸邑令劉贈以額曰道
繼西山謂其理學宗風不減元定也臨川員外藍千秋
有傳

盧大作字澹齋南康人康熙戊寅拔貢官萬年教諭邑多
逋賦作勤以化導追呼之聲不登紳士之門學使姚試
士饒郡亟嘉之在任六年脩廢舉墜泮壁一新妻葉氏
先卒作義不再娶垂三十年歿後萬年人思其教澤祀
名宦

賴蟠字見田南康人雍正元年拔貢幼失怙事母至孝侍
養不願仕進後母歿服闋官瑞金縣教諭時有庠生某
忤縣令意屈科試學使者按臨令詳請除名蟠爲辨雪
遂獲與試卽於是科中式後有武庠某與吏胥格鬪縣
誣以刦庫詳上憲請兵蟠出城遠謁備陳顛末力保無

他境內獲安士民德之卒於任

蔡昌詒字君穀上猶人乾隆丙辰舉人授湖南安鄉縣知縣德澤流長民懷遺愛立牌奉祀厯署常甯等縣禁除漕務積弊振興文教捐廉資書院膏火費甯人德之繪祖餞圖勒石致仕歸里年八十卒其曾孫家珏嘉慶己卯翰林官至岳常澧道

楊秉芸崇義人性倜儻練達時務不屑屑章句學選直隸新河尉繼補安徽蒙城福建漳平尉所至有賢聲先是蒙城獄中以號木貫羈罪囚役卒藉以行私秉芸詳請除之晚解組歸與季秉蘭敘天倫樂年七十餘卒於次

子沛兩西甯尉官舍

蕭應晟字鏡亭南康人乾隆戊辰歲貢官安遠縣訓導甫抵任捐俸脩葺崇聖祠倡建書院學使者周按試贛郡時招覆文童某遠居歸里例應黜落晟爲籌畫詳請隨棚補覆卒獲矜全俸滿將歸安遠人士謁邑令陳文豫具牘留任且爲文以頌之

李逢清字鏡亭南康人乾隆庚午優貢考充武英殿校錄中癸酉科順天舉人官興國縣訓導日以植品讀書訓迪在任十三年孜孜不懈解組歸興邑人士立去思碑以誌景慕

劉開燾字遠耀上猶人乾隆十五年例授浙江分水縣知縣邑多溺女燾刊歌勸戒全活甚衆在任二十餘年政教大行監獄一空以最聞陞甯波府海防同知三運漕糧克盡厥職擢山西澤州知府脩萬壽亭葺學宮創建明道書院延師課士民盡懷恩去之日童叟哭道遮留不得立祠祀之並立造士德政二碑以誌不忘前後歷官三十八載子孫蕃衍五世一堂卒年七十有五次子英乾隆庚寅舉人孫曾膺拔貢其歲貢及食餼遊庠者十四人

蔡臧字以恕上猶人乾隆庚辰舉人任山西河曲縣知縣

居官勤慎勸建河陰書院遇有災歉並爲勸捐賑恤歲
寒施衣以濟貧窮去之日民哭送之卒年七十有七
楊宗岱原名生魯大庾人博極羣書爲邑里所推服乾隆
己卯舉於鄉癸未成進士授四川井研知縣廉敏有聲
凡民間利弊興革俱措置得宜民德之爲立祠以祀後
子孫偶過其地都人士爭贖金以贈蓋德澤之入人深
矣

盧鎮珏字聯玉南康人中乾隆壬午鄉舉官武甯縣訓導
日以砥行立名勵諸生兼及文藝造就人才一時稱盛
如太僕寺卿盧浙孝廉余虹尤卓卓也致仕歸倡脩祠

宇立規約書之屏以儆族中子弟家範以肅

鍾翰字屏南上猶人乾隆辛卯舉人由大挑任直隸肅甯
等縣皆有政聲丁繼母憂服闋署交河補內邱調河間
恩辦兵差均無貽悞時河間境內被匪盜挖河堤民遭
水溺請賑拯濟捐廉脩堤全活甚衆尤長於聽訟奉府
發審鄰邑強姦殺死女子命案案無克手惟見證農民
某經過女子門首聞女大聲疾呼及女家人至其女已
死克手脫逃無蹤可覓村外有書館一所因傳館生會
文着役赴館潛查得燒爛血衣數塊卽帶學生審問指
血衣爲證不能置辨供係調姦又在藁城縣值漚沱河

水冲沙壓詳請豁免錢糧民多沾恩後又兼署正定得疾終於藁城

蔡泰均字平溥上猶人乾隆壬辰進士授工部主事奉委辦銷算浙江海塘工務積弊多端概爲清釐得

旨嘉獎稱爲有用司員轉御史擢給事中年五十卒於京其後嗣俱列膠庠家無白丁

盧洪科字乙峰南康人性好學聞萬載李納陞爲時名宿負笈數百里往受業焉歸而學益邃乾隆辛卯中副車甲午舉於鄉歷官四川溫江儀隴彭山內江等縣雜谷廳同知儀隴御事日適公出在鄉民相率詣行館呈訴

立爲剖決內江錢法弊壞市糶不行科不待詳請開倉賑濟兼收弊錢全活甚衆後就養子元偉官署惟日以圍棋絲竹自娛云

虞元偉字特夫洪科子乾隆庚戌進士官吏部考功司主事升員外郎嘉慶戊午分校順天鄉試頗稱得人出守雲南曲靖古夜郎地俗多不靖偉設柝署門令民擊以自訴日審訊至更餘始罷屬州有巨盜率役掩捕餘黨悉擒初中丞彭齡密保之調東川嗣調普洱界連南掌緬甸猺夷嘗乘間入寇率兵登陴防守數晝夜賊始遁時土司有宣慰司地爲緬所據總戎欲以兵討偉請先

諭以利害緬夷果懼歸地郡有鹽井射利者於井旁復
鑿一井請增課俾不許封新鑿者戊辰丁外艱歸服闋
授江蘇鎮江郡有爭洲田者縣令往勘縱火焚洲屋洲
民譁碎令輿令怒欲盡置於法獄成上府僅戮首魁餘
皆減等旋擢廣東糧道五攝臬篆潮州有械鬪案四三
百餘人庭鞫正寃僅居三分之一餘非畏刑誣服卽購
命以抵償者飭有司嚴緝正犯而出二百餘人於獄升
鹽運使再升直隸按察使調山東復調山西按察使會
榆次有京控姦情命案案多疑竇適前臬使病故偉抵
任接審未成獄而巡撫以輾轉遲滯恐干部議上其獄

諭交刑部審理得平反呈議歸卒於家著有選批文選三卷

易注一卷

賴相棟字秀成南康人乾隆己酉鄉舉乙卯成進士官江蘇沛縣知縣署高郵知州甫下車興書院立義倉有夏某貪財謀殺寺僧自諱出名首告又尼菴淫殺匿屍二案棟反覆研訊廉得其實寘於法時兩江制軍威權甚赫以事忤遂解組歸厯主濂溪旭升書院講席多所成就嘉慶壬申勦脩學宮文昌城隍廟積有餘蓄置買鼎元掄元堂田產給發鄉會試卷資道光癸未縣令劉繩武聘脩邑志年九十卒著有四書管窺、

盧擇元字冰鑑南康人嘉慶壬酉拔貢考充正紅旗官學
教習期滿授知縣揀發浙江權畧縣餘姚以勝繁劇聞
於汪制軍志伊檄調福建歷官浦城海澄龍溪長樂調
南平兼上洋通判再調晉江署汀州府同知嘗捕盜魁
會營往擒之盜黨洶洶謀奪犯擇元聲言詰朝親解回
縣而中夜令把總巡檢縛置舟中歸置之法羣盜盡散
生平好吟詠間及記序尤精八分書求輒應案頭積紙
政餘一揮而盡浙閩士得之珍若拱璧卒於汀州丞署
著有蘭韻山房詩鈔二卷雜著二卷

盧承祖字字山南康人中道光壬午鄉舉歷署安徽甯國

旌德知縣補全椒縣甫下車脩理文廟督造橋梁文風丕振是科文武中數較前驟增己酉庚戌水旱頻仍以工代賑脩築堤圩咸豐三年髮逆順流東下金陵淪陷鄰封相繼失守全邑四面受敵承祖舉辦團練添募勇丁督率員弁紳董等曉以大義登陴固守賊由揚州北竄距全城數十里從容鎮靜力保危城勇糧軍火籌辦幾及半年均出自已囊毫未捐派易簣前三日猶力疾登城並赴各練局嚴切誥誡惟以狂寇未除爲憾歿後十年全邑人士哀思未已呈請建祠同治二年皖撫唐

奏准入祀名宦

盧昌輔字星甫元偉子道光丙申進士善屬文清超拔俗
迥絕恒蹊有鄉先輩五家風春闈後錄其文呈蔣副憲
祥墀副憲曰此西江嫡派也必中必高榜發魁墨出一
時傳誦授知縣籤掣直隸以母老引疾歸丙午丁內艱
服闋赴保陽題知南樂值歲大祲羣不逞率椎埋剽掠
無虛日甫下車卽拏其渠魁寘諸法羣盜斂迹莅任時
屆孟冬詳免賦徭已逾例限或阻毋牘陳輔弗聽力請
於大吏獲邀蠲貸民賴以蘇日據案判事剖決如流案
無留滯邸舍中無羈宿詞訟者戊申水災冒暑親勘歸
而疾大作百姓咸奔走祈禱輔病愈相率醵金演劇調